

吳梅村詩集箋註



下
冊

圖達大

吳梅村詩集箋注 卷下

五言律詩（二）

高郵道中

野宿菰蒲晚，荒陂積雨痕。湖長城入岸，塔動樹浮村。漁出沙成路，僧歸月在門。牽船上瓜埠，吹火映籬根。

【註釋】

高郵〔漢書地理志〕廣陵郡高郵〔祝穆方輿勝覽〕郡志高郵一名秦郵秦因〔二統志〕高郵湖一名新開湖在高郵州西北

此湖達於運河湖中突起一洲可百餘畝洲去城十里盛漲不沒

瓜埠

〔唐書地理志〕開元二十六年以州北隔江舟行繞瓜步回達六十里乃于京口埠下直趨渡江開伊婁河二十五里渡揚子立埠

其二

十里藕塘西，浮圖插碧虛。霜清見江楚，山斷入淮徐。水驛難逢樹，溪橋易換魚。客程愁幾日，已覺久無書。

【註釋】藕塘

〔揚州府志〕蓮塘浦在興化縣東南接得勝湖即六十四蕩間所謂十里藕塘是也

其三

曾設經年戍，殘民早不堪。柳營當午道，水柵算丁男。雪滿防旗暗，風傳戰鼓酣。淮張空幕府，樓艦隔江南。

【註釋】午道

〔史記〕楚世家注一縱一橫爲午道

淮張

〔明史〕張士誠傳至正十三年士誠起兵陷泰州據高郵十六年春王月陷平江改平江爲隆平府自高郵來徙都之〔餘見上注〕

其四

甓社重來到，人家出遠林，種荷泥補屋，放鴨柳成陰；蝦菜春江酒，煙蓑莫雨砧，曹生留畫水，三十六陂深。（自注高郵有曹生畫水壁米元章亟稱之其地有三十六陂）

【註釋】甓社

〔視程方輿勝覽〕甓社湖去高郵州城三十里東南長七十里南北闊五十里湖有明珠夜則其光燭天

畫水

〔米芾畫記〕高郵亭壁水乃曹仁顯畫一筆長丈餘水勢分激如崩劃有聲世所寶惜

三十六

陂

〔金鎮揚州府志〕高郵州治南接運河北連淮水神居爽越西成三十六湖若環若玦土沃水深富有魚稻〔齊召南水道提綱〕寶應高郵邵伯三湖相連實一巨澤即古之三十六陂水也〔王安石西太乙宮詩〕三十六湖春水白頭愁見江南

清江閘

岸束穿流怒，帆遲幾日程，石高三板浸，鼓急萬夫爭，善事監河吏，愁逢橫海兵，（自注時有事兩粵兵過海上）我非名利客，歲晚肅宵征。

【註釋】清江閘

〔明一統志〕故沙河在淮安府城西北三十里宋轉運使喬維嶽所開以避山陽灣清河口風濤之患後蔣之奇又開漕渠至洪澤入閘其後淤塞本朝永樂初平江伯陳瑄因其舊渠開河置閘易其名曰清江浦爲水陸之孔道

三

板

〔戰國策〕智伯從韓魏兵以攻趙圍晉陽而水之城之不沈者三板

橫海

上注見

得廬山願雲師書

絕頂誅茅處，蒼崖怪瀑風，書來飛鳥上，僧出亂流中；世事千峯斷，鄉心半偈空，卻將兄弟夢，煙雨問江東。

【註釋】半偈

〔涅槃經〕天帝釋住菩薩前口說半偈〔耶士元〕秋夜宿靈臺寺詩心持半偈萬緣空

過姜給事如農

侍從知名早，蕭條淮海東。思親當道梗，（自注如農迎母會膠萊有兵變）哭弟在途窮。（自注如須避地歿於吳下）骨肉悲歌裏，君臣信史中。翩翩同榜客，相對作衰翁。

【註釋】姜給事

見上

道梗

事詳後注

同榜

梅村與給事俱崇禎辛未陳于泰榜進士

遠路

遠路猶兵後，寒程況病餘。裝縣妻子線，致藥友人書。晚渡河津馬，晨冰驛舍車。蕭條故園菊，多負向山廬。

過東平故壘

重鎮銅龍第，雄邊珠虎牌。柳穿驍騎箭，花落美人釵。有客謀亡海，無書勸正淮。將軍留戰骨，狼藉雒陽街。

【註釋】銅龍第

孫廷銓南征紀略東平伯劉澤清大興土木造宇淮安極其壯麗餘見上注

雄邊

舊唐書兵志文宗時吐蕃間靈命李德裕立雄邊之軍

珠虎牌

陽湖楊倫曰張璠詩吐蕃老帥西南來

虎頭不挂三珠牌

柳穿

史記周本紀楚有養由基善射者也去柳葉百步而射之百發而百中之

亡海

晉書孫恩傳知劉牢之已濟江曰孤不羞走矣乃遣男女二十餘萬口一時逃入海案澤清聞大兵至棄淮安爲航海計見上注

正淮

晉書文苑傳伏滔爲桓溫參軍從伐袁真至壽陽以淮南數叛著論三篇名曰正淮

旅泊書懷

已遇江南雪，須防濟北冰。扁舟寒對酒，獨客夜挑燈。流落書千卷，清羸米半升。徵書何用急，慚愧是無能。

黃河

自注金龍口決河從北入海清江宿遷水勢稍緩皆起新沙

白浪日崔嵬，魚龍亦壯哉。河流天上改，地脈水中來。潮落神鴉廟，沙平戲馬臺。滄桑今古事，戰鼓不須哀。

【註釋】金龍口

〔明史河渠志〕金龍口在封丘卽大王廟口〔大清一統志〕順治九年河決封丘大王廟口從長垣趨東昌北入海

宿遷

〔一統志〕宿遷縣在徐州府城東一百里

戲馬臺

〔樂史寰宇記〕戲馬臺在彭城

縣南三里項羽築宋武帝北征至彭城遣長史王虞等立第舍於項羽戲馬臺

■桃源縣

〔自注〕在黃河南去淮陽八十里

豈有秦人住，何來浪得名？山中難避地，河上得孤城。桃柳誰曾植，桑麻近可耕。君看問津處，烽火只縱橫。

【註釋】桃源縣

〔明史地理志〕桃源縣元曰桃園洪武初更名〔明一統志〕在淮安府城西北一百六十里本唐宿遷縣之桃園鎮後設縣爲源

■膠州

〔自注〕時有兵變

將已三年，餽兵須六郡豪。一時緣調遣，平昔濫旌旄。後顧憂輜重，前軍敢遁逃。只今宜早擊，都護莫辭勞。

【註釋】膠州

〔明史地理志〕萊州府膠州洪武初以州治膠西縣省入北距府二百二十里

兵變

〔大清一統志〕徐大用奉天人以參議道分守萊州順治十年膠州總兵官海時行奉調南征大用監其軍時行賊兵爲逆逼大用同入海不從遂

遇害〔欽定名臣列傳〕順治十年九月膠州總兵海時行叛上命濟席哈瑚沙率兵往勦師未至時行奔宿州漕運總督沈文奎與山東總督馬輝合兵勦擊時行窮蹙降伏誅

六郡

〔漢書地理志〕漢興六郡其家子選給羽林軍期門以材力爲官者將多出焉〔師古曰〕六

郡謂隴西天水安定北地郡西河郡

■白洋河

〔自注〕在淮安西北膠州叛兵從此過河時已收縛

膠海愁難定，孫恩戰艦多。卻聞挑白馬，此處渡黃河。一戰收豺虎，千軍唱橐駝。淮西兒女笑，溟渤亦安波。

【註釋】白洋河

〔一統志〕白洋河在桃源縣西六十里白洋鎮接宿遷縣界卽澶水之下流也今涸

膠海

〔一統志〕膠州有古鎮麻灣守風灣唐家灣諸海口

孫恩

〔晉書孫恩傳〕孫恩字靈秀琅邪人孫秀之族世奉五斗

來道恩父泰有祕術爲亂伏誅恩逃於海聚舍亡命志欲復讎諸郡響應朝
廷震恐劉裕先破之於滎濱臨海太守辛敬復討破之恩窮蹙乃赴海自沈
曰山南烏鵲巢山北金駱駝山南唐也烏鵲
賢者居人寡也金駱駝者虜獲而重載也

兒女笑

〔晉黎平淮西碑〕蔡之婦女迎門笑語

溟渤

〔鮑明遠君子有所思行〕穿池類溟渤〔注〕二海名

白馬

〔括地志〕黎陽津一名曰馬津在滑州白馬縣北

唱橐駝

〔南書五行志〕神龍以後民謠

過古城謁三義廟

〔自注〕去桃源八十里爲石崇鎮下邳所築非三國時古城也
土人以傳說立廟傳奇有桃園結義耳食附會幾以爲真矣

廟貌高原古村巫薦白蘋河山雖兩地兄弟只三人舊俗傳香火殘碑誤鬼神普天皆漢土何必史書真

〔註釋〕古城

〔明史地理志〕桃源西北有古城巡檢司東有三義鎮巡檢司

下邳

〔晉書石崇傳〕出爲征虜將軍假節監徐州諸軍事鎮下邳〔一統志〕下邳故城在徐州府邳州東南西南又有一小城周三百七十步晉征虜將軍石崇所築

耳食

〔史記六國表〕率於聞見不察終始因舉而笑之此與以耳食者何異〔增〕阿含經一切諸法由食而存眼以色爲食耳以聲爲食

項王廟

〔自注〕在宿遷項王下相人卽其地也

救趙非無算坑秦亦有名情深存魯沛氣盛失韓彭垓下騷難逝江東劍不成淒涼思畫錦遺恨在彭城

〔註釋〕救趙

〔史記項羽紀〕章邯既破項梁軍乃渡河擊趙大破之當此時趙歇爲王陳餘爲將張耳爲相皆走入鉅鹿城章邯令王離涉間圍鉅鹿懷王乃以宋義爲上將軍項羽爲魯公爲次將范增爲末將救趙宋義行至安西留四十六日不進羽誅之乃

坑秦

〔見上〕以羽爲上將軍引兵渡河皆沈船破釜燒燒廬舍持三日糧以示士卒必死無一還心於是至則圍王離與秦軍遇九戰絕其甬道大破之殺蘇角虜王離涉間不降楚自燒殺

江東

〔史記項羽紀〕項王欲東渡烏江烏江亭長櫓船待謂項

王曰江東雖小地方千里衆數十萬亦足王也願大王急渡項王笑曰天之亡我我何渡爲且籍與江東子弟渡江而西今無一人還縱江東父老憐而王我我何面目見之彼雖不言籍獨無愧於心乎乃自刎而死

畫錦

〔漢書項籍傳〕韓生說羽貴不歸故鄉如織衣夜行誰知之者

彭城

〔史記項羽紀〕項王自立爲王王九江都彭城

過南旺謁分水龍王廟

鱗甲往來中，靈奇奪禹功。平分泰山雨，兩使濟河風。岸似黃牛斷，流疑白馬通。始知青海上，不必盡朝東。

【註釋】南旺

〔明一統志〕南旺河在兗州府汶上縣西南三十五里

分水龍王廟

〔一統志〕分水龍王廟在南旺湖上，運河西岸汶水自東而來，由廟前南北分流入運，所謂分水口也

泰山雨

〔傳〕觸石而出，膚寸而合，不崇朝而徧百乎天下者，其泰山之雲乎

濟河

〔一統志〕今大清河即濟水，故道自汶上縣北出至東平州西安山關，又西北與運河分流

〔兩使風〕用神仙傳宮亭湖事

黃牛

〔註見〕

白馬

送天臺何石湖之官臨晉兼柬蒲州道嚴方公

山色界諸盤，河流天際看。孤城當古渡，絕岸入王官。社鼓堯祠近，鄉書禹穴難。若逢嚴夫子，爲報故人安。

【註釋】何石湖

〔山西通志〕臨晉知縣何紱，度台州臨海人，進士，順治十一年任

臨晉

〔史記〕淮陰侯傳注：臨晉縣名在河東之東岸，對舊閼。〔明一統志〕臨晉縣在山西平陽府蒲州城東北九十里，秦築堽以臨晉地，故名。臨晉唐天

寶中改

嚴方公

〔山西通志〕分守蒲州道嚴正矩，湖廣孝感人，進士，順治十年任。〔王惲今世說〕嚴正矩字方公，一字聖庵，崇禎癸未進士，歷官戶部左侍郎，致仕。〔案〕方公係先生丙子所取士

諸盤

〔一統志〕八盤山在蒲州府永濟縣南二

里

河流

〔山西通志〕臨晉縣黃河在縣西

王官

〔明一統志〕王官谷在臨晉縣東南七十里，唐司空圖營隱，司空圖山居記有谷之名，本以王官廢壘在其側

堽祠

〔元和郡縣志〕堽祠在平陽府臨汾縣東八里，晉元康中，建於沁水

東顯慶

間移此

禹穴

〔註見〕

嚴夫子

〔漢書〕司馬相如傳：梁孝王來朝，從游說之士齊人鄒陽、淮陰枚乘、吳嚴忌、夫子之徒。〔師古曰〕嚴忌當時尊尚，號曰夫子。〔案〕方公爲梅村所得士，而用嚴夫子人，以爲疑然。陸士衡周孝侯碑銘曰：皎皎夫子，時尊尚號曰夫子。〔案〕方公爲梅村所得士，而用嚴夫子人，以爲疑然。陸士衡周孝侯碑銘曰：皎皎夫子，

奇特播名則前人已有之矣

送紀伯紫往太原

不識盧從事，能添幕府雄。河穿高闕塞，山壓晉陽宮。霜磧三關樹，秋原萬馬風。相依劉越石，清嘯戍樓中。

【註釋】紀伯紫

〔徐鉉續本事詩〕紀映鍾字伯紫，一字藥子，號懸叟，上元人，又自稱鍾山遺老，與方文林古度齊名，自髮當歌紅牙聽曲，說青溪舊事，娓娓不倦

盧從事

〔曹書盧諶傳〕盧諶字子諒，范陽涿人，清敏有思理，洛陽沒隨

父志北依司空劉琨爲從事每謂諸子曰吾歿之後但稱晉司空從事中郎耳

高闕塞 〔史記匈奴傳〕趙武靈王自代并陰山至高闕爲塞〔馮智舒綱目實錄〕高闕塞在大同府城西四百二十里〔水經〕河水東逕高闕南〔酈道元注〕陰山下有長城長城之際連

山刺天其山中斷望若關焉故有高闕之名也

晉陽宮 〔魏書地形志〕武定初齊獻武王置晉陽宮〔唐書地理志〕晉陽宮在北都之西北〔元和郡縣志〕在并州城內

三關 〔明一統志〕倒馬紫荊偏頭爲三關

清嘯 〔晉書劉琨傳〕劉琨字越石在晉陽嘗爲胡騎所困窘迫無計琨乃乘月登樓清嘯賊聞之皆潰然長歎中夜奏胡笳賊又流涕歎歎向曉復吹之賊並棄關而走

其二

羨殺狂書記，翩翩負令名。軍知長揖貴，客傲敝裘輕。酒肆傳呼醉，毬場倒屣迎。須看雁門守，不及雒陽生。

〔註釋〕長揖 〔漢書汲黯傳〕大將軍青既益尊姊爲皇后然黯與抗禮或說黯曰天子欲令羣臣下大將軍大將軍尊貴誠重君不可以不拜黯曰夫以大將軍有揖客反不重邪

敝裘 〔呂氏春秋〕巫馬期短褐衣敝裘而往覲化於單父倒

雁 〔魏志王粲傳〕中郎將蔡邕聞樂在門倒屣迎之

雁門守 〔後漢書王符傳〕度遠將軍皇甫規解官歸安定鄉人有以貨得雁門太守者亦去職還家書刺謁規臥不起既入而問卿前雁門食雁美乎有頃又白王符在門規素聞符名乃驚遽而起衣不及帶屣履出迎援符手而還與同坐極歡時人爲之語曰往見二千石不如一縫掖〔維陽生〕未詳

其三

客舍同三子，春風去住愁。那知爲此別，五月又并州。榆莢催征騎，榴花落御溝。知君分手意，端不爲封侯。〔自注〕三子韓聖秋胡彥遠及伯紫也時彥遠已先行

〔註釋〕韓聖秋 〔王士禛感舊集〕〔補傳〕韓詩字聖秋號固庵陝西涇陽籍三原人官兵部職方司郎中

胡彥遠 〔文集〕〔遂彥遠南歸序〕彥遠于長安每酒酣詔客曰吾家以貧故無以贍老親不得已走京師從故人索河北一紙書今將涉漳河遙邢臺沂淮而南歸吾所居阿渚誓不復出矣〔餘詳上注〕

其四

佐府偏多暇，從容岸幘時。詩成千騎待，檄就百城知。從獵貪呼妓，行邊快賭棊。歸將出塞曲，唱與五陵兒。

【註釋】岸幘

〔王幼學綱目集覽〕晉記注露幘曰岸光武岸幘見馬援杜甫詩白幘岸江皋曾羣詩隴然岸巾幘箋云頤其巾也以示嫺散〔世說簡傲篇〕謝奕在桓溫座岸幘嘯詠

送友人往真定

五月常山去，滹沱雨過清。賣漿無舊隱，挾瑟有新聲。曳履叢臺客，投戈熊耳兵。如逢趙公子，須重魯連生。

【註釋】真定

〔漢書地理志〕真定國武帝元鼎四年置縣真定故東垣高帝十一年更名

常山

〔注見〕

滹沱

〔注見〕

賣漿

〔史記信陵君傳〕公子聞趙有處士毛公藏於博徒薛公藏於賣漿家公子欲見兩

人兩人自匿不肯見公子〔明一統志〕賣漿臺在真定府聚強縣北俗傳姜太公未逢時嘗賣漿於此

挾瑟

〔漢書楊惲傳〕婦趙女也雅善鼓瑟〔沈約古意詩〕挾瑟叢臺下徒倚愛容光

叢臺客

〔漢書鄒陽傳〕夫全趙之時武力鼎士祛服叢

臺之下者一旦成市〔師古曰〕叢臺趙王之臺也在邯鄲

熊耳兵

〔後漢書劉盆子傳〕樊崇乃將盆子肉袒降積甲宜陽城西與熊耳山齊〔注〕

重魯連〔史記魯仲連傳〕

於此平原君欲封魯連魯連不受平原君乃置酒酒酣起前以千金爲魯連壽

送純祐兄浙中藩幕

散吏仍爲客，輕帆好過家。但逢新種柳，莫話久看花。黃閣交須舊，青山道未賒。獨嗟兄弟遠，辛苦滯京華。

【註釋】純祐

〔蘇州府志〕吳國杰字純祐太倉州人崇禎癸未進士國朝選浙江布政司照磨升永嘉令遷確山知縣

散吏

〔後漢書胡廣傳〕隨輩入郡爲散吏

黃閣

〔南史蕭摩訶傳〕舊制三公黃閣聽事置鸞尾〔少陵將赴成

都草堂途中寄嚴鄭公詩〕生事祇憑黃閣老

其二

一第添顛顛，如君遭遇稀，杜門先業廢，乞祿壯心違，歌管移山棹，湖光上客衣，浪遊裝苟足，叩我舊園扉。

其三

亦有湖山興，棲遲減宦情，官非遷吏傲，客豈故侯輕，粉壁僧寮畫，煙堤妓舫聲，從容趨府罷，斗酒聽流鶯。

【註釋】宦情

〔晉書阮裕傳〕吾少無宦情

遷吏

〔胡曾謝賜錢啓〕悉用豎儒皆除遷吏〔郭璞遊仙詩〕漆園有傲吏

故侯

〔注〕見

斗酒

〔高隱外書〕戴顓春日攜雙柑斗酒人問何之答曰往聽黃鸝聲

其四

忽忽思前事，全家客剡中，江山連莫雨，身世隔殘虹，高館然官燭，清猿叫曉風，一竿秋色裏，蹤迹愧漁翁。

【註釋】剡中

〔漢書地理志〕會稽郡剡縣〔太白秋下荊門詩〕自愛名山入剡中

曹秋嶽龔芝麓分韻贈趙友沂得江州書三字

策馬高原去，煙鴻仰視雙，疏鐘穿落木，殘日動寒江，浪迹愁偏劇，孤懷俠未降，舊交相見罷，沽酒話南窗。

【註釋】趙友沂

〔趙而開〕字友沂，長沙人，寄籍江都，靈性心于官內閣中書舍人

俠未降

〔黟縣朱霽曰〕韓詩劉生俠氣老未降

其一

誰識三公子，蕭條下澤車，門高輕仕宦，才大狎樵漁，黃卷窮幽興，青山出異書，不須身貴早，千騎上頭居。

【註釋】三公

〔謂〕洞門都憲

下澤車

〔後漢書馬援傳〕乘下澤車〔注〕行澤者欲短轂轂短則利

上頭居

〔古樂府〕陌上桑〔東〕方千餘騎夫婿居上頭

其二

已歸仍是客，不遇卻難留，更作異鄉別，倍添遊子愁；風霜違北土，兵甲阻西州，一雁低飛急，關河萬里秋。

病中別孚令弟

昨歲衝寒別，蕭條北固樓，關山重落木，風雪又歸舟；地僻城鴉亂，天長塞雁愁，客程良不易，何日到揚州？

【註釋】孚令

吳偉光字孚令太倉州學生文
集（壽錢臣展序）吾季弟孚令

北固樓上注見

其二

秋盡霜鐘急，歸帆畏改風，家貧殘雪裏，門閉亂山中；客睡愁難熟，鄉書喜漸通，長年沽市酒，宿火夜推篷。

其三

十日長安住，何曾把酒尊？病憐兄彊飯，窮代女營婚；別我還歸去，憐渠始出門，往來幾半載，辛苦不須論。

其四

消息憑誰寄，羈愁祇自哀，逾時游子信，到日老人開；久病吾猶在，長途汝卻回，白頭驚起問，新喜出京來。

其五

早達成何濟？遭時信眇（疑當作眇）；歡客遊三月病，世路一生難；憂患中年集，形容老輩看，相逢俱壯盛，五十

未爲官。

【註釋】中年

（世說晉語）謝太傅語王右軍曰：中
年傷於哀親與親友別輒作數日惡

形容

（少陵冬至詩）江
上形容吾獨老

其六

此意無人識，惟應父子知。老猶經世亂，健反覺兒衰。萬事愁何益？浮名悔已遲。北來三十口，盡室更誰依？

其七

似我真成誤，歸從汝仲兄。教兒勤識字，事母學躬耕。州郡羞干請，門庭簡送迎。古人親在日，絕意在虛名。

其八

老母營齋誦，家貧只此心。飯僧餘白氎，衰佛少黃金。骨肉情難盡，關山思不禁。楞嚴經讀罷，無語淚痕深。

【註釋】白氎

〔高似孫緯略〕杜詩細軟青絲履，光明白疊巾。王昌齡詩：手巾花疊淨，香帳稻畦成。案漢書所謂苦布，注曰：白疊也。吳書外國傳：薄國用安子草織作白疊花布。王昌齡所用者此也。南史曰：高昌國有草實如蘭，中絲爲細，織名曰白疊。安子國取

以爲布，甚爲輕白，其言甚明也。〔首楞嚴經〕：憍皮貝葉素紙，白氎書寫此咒於香臺。

黃金

〔後漢書〕：天竺國傳：明帝夢金人長丈餘，頭有光明，以問羣臣，或曰：西方有神，名曰佛，其形丈六而黃金色。

楞嚴

〔宋史藝文志〕：首楞嚴經十卷，〔翻譯名義〕：首

楞嚴經言一切究竟而得堅固定名爲佛性，又翻爲金剛藏諸菩薩證此定故名。

其九

寡妹無家苦，拋離又一年。老親頻念此，別語淚漣然。性弱孤難立，門衰產易捐。獨留兄弟在，中外幾人憐？

【註釋】中外

〔世說〕：賞譽篇：謝胡兒作何堪傳，不識堪何似人，咨謝公。謝公曰：堪烈之子，阮千里姨弟，兄潘安仁，中外安仁詩所謂：子親伊姑，我父惟舅。

其十

穉子稱奇俊，迎門笑語忙。挽鬚憐尙幼，摩頂喜堪狂。小輩推能慧，新年料已長。吾家三萬卷，付託在兒郎。

【註釋】挽鬚

〔少陵北征詩〕：問事競採鬚，誰能即瞋喝。

摩頂

〔陳書〕：徐陵傳：陵年數歲，釋寶誌摩其頂，曰：天上石麒麟也。

再寄三弟

拙宦真無計，歸謀數口資。海田人戰後，山稻雨來時。官稅催應早，鄉租送易遲。荷鋤西舍叟，憐我問歸期？

【註釋】拙宦

〔潘岳閒居賦序〕岳嘗讀汲黯傳至司馬安四至九卿而良史書之以巧宦之目未嘗不慨然廢書而歎曰嗟乎巧誠有之拙亦宜然

其二

五畝山園勝，春來客喚茶。籬荒謀補竹，溪冷課栽花。石迸牆根動，松欹屋脚斜。東莊租苟足，修葺好歸家。

【註釋】補竹

〔少陵舍弟觀歸草堂檢校詩〕東籬竹影薄臘月更須栽

再送王元照

行止頻難定，裝輕忽戒途。望人離樹立，征棹入雲呼。野色平沙雁，朝光斷岸蘆。此中蕭瑟意，非爾不能圖。

【註釋】王元照

見上注

送孫令修游真定

窮達非吾事，霜林萬象凋。北風吹大道，別酒置河橋。急雪回征雁，低雲壓怒鵬。曾爲燕趙客，寥落在今朝。

【註釋】孫令修

見上注

送周子俶張青瑊往河南學使者幕

不第仍難去，棲遲幕府遊。幾人推記室，自古在中州。置酒龍門夜，論文虎觀秋。得依張壯武，揮麈盡風流。

【註釋】張青瑠

王士禛感舊集補傳張宸字青瑠江南華亭人官中書舍人遷部郎

記室

續漢書百官志記室令使主上章表報書記陶鑒續事始漢制諸王三公及大將軍幕府皆有記室掌章表書記文檄

中州

史記天官書衡般中州河濟之間

龍門

有策馬渡伊水來者既至乃錢相送廚傳歌妓至吏傳公言山行良勞當少留龍門賞雪無違歸也

虎觀

後漢

書章帝紀詔諸儒會白虎觀講論五經同異

張壯武

晉書張華傳進封壯武侯程箋案公詞有送張編修督學河南詩張壯武殆謂其人

其二

少室多奇士，君尋到幾峯？山深惟杖策，雲盡卻聞鐘。文字真詮近，鬚眉道氣濃。相攜書一卷，歸救葛陂龍。（自注子儼好道）

【註釋】少室

上注見

道氣

李義山獻從叔舍人詩許掾全家道氣濃

救

爾雅釋詁注救者相約救也亦爲勞苦

葛陂龍

上注見

其三

二陸來江左，三張入洛中。賦誇梁苑雪，歌起鄴臺風。僧父休輕笑，吳儂雅自雄。短衣頻貰酒，射獵過城東。

【註釋】二陸三張

晉書張載張協張元傳論二陸入洛三張減價又張元傳時人謂載協元爲三張陸機陸雲爲二陸

梁苑雪

謝惠連雪賦梁王不悅遊於兔園俄而微霰零密雪下王乃歌北風於衛詩詠南山於

周雅授簡命於司馬大夫曰抽子秘思騁子好詞侔色揣稱爲寡人賦之

鄴臺風

鄴情銅雀臺詩風起鄴臺集詳見下注

僧父

孫盛晉陽秋吳人以中州人爲僧父

其四

誰失中原計？經過廢壘高。秋風向廣武，夜雨宿成皋。此地關河險，曾傳將士勞。當時軍祭酒，何不用吾曹？

【註釋】廣武

史記項羽紀注於滎陽築兩城相對曰廣武元和郡縣志廣武山在滎澤縣西二十里一名三皇山東廣武西廣武二城各在一山頭相去二百餘步漢高與項羽俱臨廣武而軍今東城有高壇是項羽坐太公於上以示漢軍處

成

皋

〔史記留侯世家〕洛陽東有成皋西有轂

〔一統志〕成皋故城在汜水縣西北

軍祭酒

〔魏武帝表〕軍祭酒郭嘉自從征伐十有一年每有大事臨敵制變臣策未決嘉輒成之平定天下謀功爲高〔案〕史記荀卿傳注禮食必祭先飲酒亦然必以席

中之尊者一人當祭耳後遂以爲官名

其五

極目銅駝陌，宮牆噪晚鴉。北邙空有骨，南渡更無家。青史憐如意，蒼生遇永嘉。傷心談往事，愁見雒陽花。

〔註釋〕銅駝陌

〔卸覽〕陸機洛陽記曰洛陽有銅駝街漢譯銅駝三枚在宮西四會道相對俗語曰金馬門外集衆賢銅駝陌上集少年

北邙

〔續漢書郡國志〕河南尹雒陽縣北芒山一作邙〔餘見上注〕〔釋箋〕北邙句指福王

常洵南渡句指

如意

〔注見上〕謂福王常洵

永嘉

〔通鑑〕永嘉五年天下大亂惟江東差安中國士民多南渡江

其六

河流天地盡，白日待消沈。不謂斯文喪，終存萬古心。典墳留太學，鐘鼓起華林。清雒安瀾後，遺編定可尋。

〔註釋〕斯文喪

〔先生綏寇紀略〕周自定王以來世守恭德而加以文自大內祕本所未有者西亭竹居悉丹鉛鏤勘十五年三月賊復進圍食盡人相食九月十五河流驟決士女化爲沙蟲廟社淪于陷阱十王之典章物采故家之禮樂詩書無不昏墜

洪流堙沈

太學

〔後漢書蔡邕傳〕奏求正定六經文字靈帝許之邕乃自書冊於碑使工鐫刻立石於太學門外

華林

〔千寶晉書〕泰始四年二月上幸芳林園與羣臣燕賦詩觀志〔案〕芳林園卽華林園齊王芳卽位改爲華林

雒

〔潘岳藉田賦〕清雒瀾渠引流激水〔水經〕雒水出京兆上縣縣隴舉山

送湘陰沈旭輪謫判深州

謫宦經年待，蹉跎忝此州。猶然領從事，未得比諸侯。旅食沾微祿，官塗託浪遊。卻嫌持手板，廳壁姓名留。

〔註釋〕沈旭

〔蘇州府志〕沈以曦字旭輪湖廣臨湘人崇禎庚辰進士

〔案〕沈係先生丙子所取士

深州

〔明一統志〕深州在眞定府城東二百五十里本漢之下博地隋開皇中置深州

謫宦

〔深州志〕沈以順順治十一年由蘇州府推官調任深州州判陞博興知縣

從事

〔應劭漢官儀〕州別駕秩百石同諸郡從事

手板

〔隋書禮儀志〕百官朝服公服皆執手板唐與服雜事古者貴賤皆執笏後代惟八座尚書執笏白筆綴手板頭餘俱

執手板不綴筆示非記事官也〔白帖〕刺史六條曰州別駕治中部見刺史持板拜刺史答拜

廳壁

〔獨孤及江州刺史廳壁記〕秦以後國化為郡史官職廢簡牘浸滅記事者但用名氏歲月書於公堂而春秋櫛梳存乎屋壁其來舊矣

其二

月出瀟湘水，思家正渺然。不知西去信，可上北來船。故舊憐除目，妻孥笑俸錢。免教烽火隔，漂泊楚江邊。

〔註釋〕除目

〔沈括夢溪筆談〕除拜官職謂除其舊籍不然也除猶易也以新易舊曰除如新舊歲之除謂之歲除易除戎器戒不虞以新易舊所以備不虞也階謂之除者自下而上亦更易之義〔姚合武功縣中詩〕一日看除目

其三

此亦堪爲政，無因笑傲輕。爾能高治行，世止薄科名。煙井流移復，春苗斥鹵耕。古來稱一尉，何必尙專城？

〔註釋〕斥鹵

〔史記平準書〕海濱廣瀉厥田斥鹵〔許氏說文〕鹵鹹地東方謂之斥西方謂之鹵

一尉

〔唐書員半千傳〕授武陟尉歲旱半千使發倉廩以給飢人刺史鄭齊宗大驚因而案之時薛元超爲存撫使謂齊宗曰公有百姓不能救使

惠歸一尉
豈不愧哉

其四

豈不貪高臥，其如世路非。故園先業在，多難幾時歸？遇事愁官長，逢人羨布衣。君看洞庭雁，日夜向南飛。

〔註釋〕官長

〔杜詩〕醉則騎馬歸頗適官長罵

送王子彥南歸

得失歸時輩，如君總不然。共知三徑志，早定十年前。身業先疇廢，家風素德傳。蕭條書一卷，重上故鄉船。

【註釋】素德

〔晉書王承傳〕素德清規足傳于汗簡矣

其二

一第雖無意，名場技有餘。解頤匡鼎說，運腕率更書。材已遭時棄，官猶辱詔除。白頭纔一命，需次復何如？
〔自注〕子彥已謁選得官需次未授

【註釋】匡鼎說

〔漢書匡衡傳〕衡善說時諸儒爲之語曰無說詩匡鼎來匡詩解人頤〔服虔曰〕鼎猶言當也若言匡且來也應劭曰鼎方也張晏曰衡少時字鼎長乃易字稚圭世所傳衡與貢禹書上言衡敬報下言匡鼎白知是字也

更書

〔唐書歐陽詢傳〕初效王羲之書後險勁過之因自名其體尺牘所傳人以爲法貞觀初歷太子率更令

詔除

〔後漢書馬融傳〕融滯東觀十年不得調自劾歸太后怒謂融羞薄詔除

其三

錯受塵途誤，栖栖蚤半生。中年存舊業，雅志畢躬耕。憂患妨高臥，衰遲累遠行。與君嗟失路，不獨爲無成。

【註釋】塵途

〔荀悅申鑒〕衣裳服者不昧于塵途愛也

其四

客裏逢中表，登臨酒一杯。好將身計拙，留使後人材。燈火鄉園近，風塵笑語開。相攜孫入抱，解喚阿翁來。
〔自注〕子彥近得孫余之外孫也

代州

萬里無征戍，三關卻晏然。河來非漠境，雪積自堯年。將老空屯臥，僧高絕漠還。中原偏戰鬪，此地不爲邊。